



TE WHARE WĀNANGA O TE ŪPOKO O TE IKA A MĀUI



VICTORIA
UNIVERSITY OF WELLINGTON

Te Kawa a Māui

Faculty of Humanities and Social Sciences

MAOR 406

Te Reo o ngā Tohunga The Language of the Masters

Course Reference Number (CRN): 465

Course Value: 30 points

Trimester 2 2013

He Kōrero Whakataki

He whakamoana tēnei i ngā tuhinga tawhito e whakaatahia ai te rongomaiwhiti o te reo, tōna tapu, tōna noa, tōna mana, me tōna mauri. Hei konei ka kitea te rōreka, te whakatakē, te tāunu, te tāwai, te whakatika, te whakahē i te kakari a te kaituhi ki ngā āhuatanga e whakairohia ana e ia, waihoki, ko te maruāpō mo tēnei wānanga kia āhei te kaipānui ki te whakamārama, ki te whakamāori i ngā whakaaro matua o te kaituhi, o te kaitito rānei. No reira me nanaiore, me ngana, ki te ruku i te ruku a te kawau, e puta ai he māramatanga i te āhua o ngā whakaaro o ngā tīpuna i o rātou nā wā, me ngā kaituhi o ēnei wā. Tērā ka riro ko ā rātou kupu ko a rātou kōrero hei tauira, hei huia kaimanawa mo ngā rā kei te tū mai.

1 NGĀ RĀ O TE MAHI ME NGĀ RĀ TUKU

Trimester dates	15 July to 17 November
Teaching dates	15 July to 18 October
Mid-trimester break	26 August to 8 September
Last assessment item due	18 October Only in the case of individual extensions will the commitments for MAOR 406 extend into the end-of-trimester Study Week or the examination/assessment period.
Study period	21 – 25 October
Examination/assessment period	25 October to 16 November
Withdrawal dates	Refer to www.victoria.ac.nz/home/admisenrol/payments/withdrawalsrefunds
Aegrotats	The provisions for aegrotat passes apply to assessment that falls within the last three weeks of teaching or the final examination period. During this period, if you cannot complete an assignment or sit a test or examination, and if it is not possible to make alternative arrangements for assessment with the course coordinator, refer to the link for Aegrotats under 'Other Important Information' in section 11 below.

2 KO NGĀ WHAKAHAERE

- 2.1 **Kaiako** Te Ripowai Higgins
Rūma 202, 46 Kelburn Parade
Wāea 463 5473
Īmēra teripowai.higgins@vuw.ac.nz
- 2.2 **Ngā Rā me Ngā Wā Huinga** Mā tātou e whakarite ēnei. Mai i te 15 o Hōngongoi ki te 18 o Whiringa-ā-nuku. I ētahi wā ka

whakatauria e te akomanga mena ka hui-ā-tinana ia wiki, ia rua wiki rānei.

2.3 Te Wāhi Huinga

Matariki
Rūma 201, 46 Kelburn Parade

Ka taea e koutou te whakapā mai ki ahau ki taku īmērā i runga ake nei ki te waea mai rānei mena kei te pōraruraru, kei te hiahia noa rānei koe ki te whakawhiti kōrero. Heoi kua hoki e tatari kia eke tonu ki te mura o te ahi kātahi ka whakapā mai kei kore e whakaeatia tō karanga me ō hiahia.

3 TE PAE TATA

Ngā Whāinga

Ko te matū o tēnei akoranga he wherawhera, he tātari, he ruku ki ngā hōpuanui, ki ngā hōpuaroa, ki ngā hōpuaninihi o ngā kōrero a ngā tohunga o te reo Māori. Ko ētahi kua mene ki te pō, ko ētahi kei te takatū tonu. Ko te tino whāinga kia rongo tātou i te reka o te reo o ō tātou mātua tīpuna. Tuatahi kia eke ake ngā tauira o te wānanga ki te ikeiketanga o te reo, kia mārama pū ki ngā kupu whakanikoniko i whaohia ki ngā waiata tawhito, ngā karakia, ngā haka, ngā ngeri, ngā pōkeka, ngā tūmoto, ngā tauparapara, ngā whaikōrero, ngā whakataukī, ngā pūrākau, ngā karanga, ngā pūrākau, pakiwaitara a kui mā a koro mā. Ko te mea nui kia whakaarohia te taumata o te reo tuhi me te reo kōrero e tika ana hei eketanga mā tātau, otirā, me pēhea e paku kātata atu ai ki tā rātau i whakatauirā mai.

4 TE PAE TAWHITI

Ngā Hua ki ngā Akonga

Ki te oti pai i te akonga ngā mahi i whakaritea, ko ngā hua ka puta ko:

- 1 te mārama ki te hōhonutanga o ngā kōrero a ngā tohunga o mua
- 2 te kite i te rerekē o ngā tohunga o nehe me ō nāiane
- 3 te matatau ki ngā kōrero tuhituhi o mua
- 4 te whakatakoto tika i ētahi kōrero i whāia atu ko te tauira i ngā tuhituhinga ka pānuitia
- 5 ka takoto he rangahautanga nui mai ngā tuhituhinga
- 6 ka waihangahia he kōrero whakanikoniko.

5 NGĀ MAHI

Ko te kaupapa nui o te wānanga nei he arotake i ngā whakaaro, i te awe wairua rānei o te kaituhi, o te kaitito rānei e tākotokoto ana i roto i ā rātau tuhinga. Kia aha ai? Kia pai ai te kitea atu e ahu pehea ana ngā whakaaro o aua kaituhi, ka mutu, ki te ketuketū i te papa i nōhia ai e aua kaituhi rā e ara ake ai ngā tūmomo tikanga motuhake o aua rā, waihoki kia whai wāhi atu ki te tātari, ki te wewete i aua tikanga, ā, ka whakataurite ai ki ngā tikanga o ēnei rā menā rā he rerekētanga he aha kē rānei. No reira e kāwatatia ana koia nei te tino hua ka puta.

Nā reira me māta pānui i ngā kaupapa i mua o te taenga mai ki ia akomanga.

6 KO NGĀ PIKAUNGA MAHI

E tutuki pai ai i a koutou ngā mahi nei ki te taumata tohu paerua e tika ana kia whakapaua e koe 24 hāora ia wiki ki ngā mahi o tēnei kaupapa. Na reira rukua te ruku a te kawau.

7 KO NGĀ WĀNANGA

7.1 Wānanga 1 – Hōngongoi

Te whakatakoto i te mahere ako mo tēnei kaupapa.

He whakawhanaunga, he mihimihi.

- ngā kōrero whakanikoniko, whakanakonako, he wherawhera
- he wetewete i ētahi o ngā waiata a kui mā, a koro mā
- he tito kōrero whakanikoniko, whakanakonako.

7.2 Wānanga 2 – Māhuru

Te reo ƿereere o ngā tīpuna.

- he wetewete, he tātari i ngā tuhinga a ngā tīpuna
- he wetewete, he tātari i ngā tuhinga a ngā kaituhi i te reo i ēnei rā
- he wānanga i ngā rerekētanga ki ērā onamata.

7.3 Wānanga 3 – Whiringa-ā-nuku

Te whakamāori i te kupu kōrero.

- he tiro tiro, he tātari, he wewete, i ngā tūāhua whakamāori i te kupu
- te whakapākehā i te kupu.

7.4 Wānanga 4 – Whiringa-ā-nuku

- he whakatepe, he whakakapi, he whakahīato i ngā whakakitenga i puta mai i roto i ngā taumahi. He tuari i ngā rangahau.

8 NGĀ AROMATAWAI

8.1 Te Mahere Aromatawai

Ngā mahi	Te wā me ū mai	Painga		Hononga ki ngā whāinga
Taumahi 1	14 o Here-turi-kōkā	25%		Ko te reo o te kaitito te whāinga nui.
Taumahi 2	18 o Mahuru	25%		Ko te reo o ngā tīpuna, he pehea ake taua reo.

Tuari kaupapa	16 o Whiringa-ā-nuku	25%	20 meneti He 5 meneti mo te whakau tu pātai	Ko te whakarāpopoto i te kōrero, kia tae ki te matū me te ngako o te kōrero. He whaikiko ngā kōrero.
Taumahi 3	18 o Whiringa-ā-nuku	25%		E whakaatu ai koe i tō tohungatanga ki te tito anō te rite ki ngā tohunga o ēnei mahi.

E toru ngā tuinga roa hei tuhituhi mā tēnā, mā tēnā e hipa ai koutou i te akoranga nei.

Mo ngā tuinga katoa! Kia kua e nui ake i te 3,000 kupu, e iti iho rānei i te 2,000 kupu. Nā reira kia hāngai ngā kōrero ki te kaupapa, ko te matū, ko te tino ngako e hiahiatia ana. Ko te rangahau; ko te tātari i aua kōrero; ko tāu whakamātautau i ngā kupu a o tīpuna te mea e whāiatia nei e tēnei wānanga. Nā reira kia kaha te pānui me te uiui i te hunga e whaiwhakaaro ana koe he āwhina kei a ia ki tō kaupapa. "Rukuhia te ruku a te kawau!"

8.1.1 Tuingarua Tuatahi

Whiwhinga 25%

Tohua he waiata mai tou iwi, rangahaua, wetewetea, tātarihia kia tangata whenua ki roto i a koe, a, kia tino matatau koe ki te kaitito, anō nei ko koe. Kia mau i a koe te wairua, ngā whakaaro o taua kaitito. He aha te kaupapa i titoa ai? Whakamāramahia he aha ngā tohu e whakaatu ana i te āhua o taua wā.

8.1.2 Tuinga Tuarua

Whiwhinga 25%

He mea pōhiri koe ki te tuku kauhau ki tetahi hui nui o te ao na te mea ko koe te tohunga mo taua kaupapa, kare i tua atu i a koe. Ko koe te tino mātanga o te whakataukī, he pēhea tā te Māori whakamahi i tēnei tūāhua whakatakoto kōrero. He aha te/ngā hua o te whakataukī. Whakaritea he kaupapa e whakaatu ana i to tohungatanga ki ngā āhua katoa o te whakataukī.

8.1.3 Tuinga Tuatoru

Whiwhinga 25%

Tuhia, titoa he waiata, haka, ngeri, mōteatea, whaikōrero, karanga, pūrākau, ko tōna taumata kia eke ki te taumata o ngā tohunga. Ko te tauira hei whāinga kia ōrite ki ngā mōteatea. Me whakapākehā hoki ki taua taumata. Ko te mea nui kia mau te wairua Māori, i takea mai i ngā pūmanawa o te ao Māori, kīhai i te ao Pākehā.

8.1.4 Tuari Kaupapa

Whiwhinga 25%

Tohua mai tētahi o ngā kaupapa tuinga roa, titonga kōrero whakanikoniko kua whakaritea e koe ka tuari ki te wānanga. Me kapi katoa i a koe ngā āhuatanga matua o tō kaupapa. Kua e wareware he whakarāpopototanga noa tēnei o tō kaupapa. Haere ki te matū o ngā kōrero kia ranonga tō tohungatanga ki tō kaupapa. He rua tekau meneti te roa, ka whai atu ngā uiuinga a te minenga whakarongo, he 5 meneti te roa.

8.2 Te Kawa o ngā Mahi

I tua atu o te taumahi tuatoru e whakapākehātia ai e koe taua kaupapa ko te reo Māori anake te reo o tēnei wānanga.

8.3 Ngā Whiu

Ki te kore e tae mai o tuhinga i te rā i whakaritea ai e 5 ngā whiwhinga ka tangohia. Mo ia rā i muri atu 1 te whiwhinga ka tangohia.

9 NGĀ PUKAPUKA – HEI TAUTOKO

Continuing Education Unit (1981). *Whaikōrero: Ceremonial Farewells to the Dead*.

The Dictionary of NZ Biography (1990). "Nga Tangata Taumata Rau." Wellington: Allen & Unwin, Internal Affairs.

Grey, Sir George (1953). *Ngā Mahi ā ngā Tūpuna*. Wellington: L.T. Watkins Ltd.

Kaa, Wiremu & Te Ohore (1996). *Mohi Turei: Ana Tuhinga i roto i te Reo Māori*. Wellington: Victoria University Press.

Māori Newspapers: <http://www.nzdl.org/cgi-bin/library>

Māori Studies Department (1989). "*Te Panui a Wikitoria*." Edition 5. Wellington: Victoria University.

Te Mātāhauariki: www.lianz.waikato.ac.nz

Mead, H.M. and Neil Grove (2003). *Ngā Pēpeha a ngā Tūpuna*. Wellington: Victoria University Press.

Ngata, A.T. (1959). *Ngā Mōteatea*. Parts 1, 2, 3. Wellington: Polynesian Society.

White, John (1867). *The Ancient History of the Māori, His Mythology and Traditions*. Wellington: Government Printer.

10 STUDENT FEEDBACK

Student feedback on University courses may be found at www.cad.vuw.ac.nz/feedback/feedback_display.php

11 OTHER IMPORTANT INFORMATION

The information above is specific to this course. There is other important information that students must familiarise themselves with, including:

- **Academic integrity and plagiarism:**
www.victoria.ac.nz/home/study/plagiarism
- **Aegrotats:**
www.victoria.ac.nz/home/study/exams-and-assessments/aegrotat
- **Academic progress:**
www.victoria.ac.nz/home/study/academic-progress
(including restrictions and non-engagement)

- **Dates and deadlines:**
www.victoria.ac.nz/home/study/dates
- **FHSS Student and Academic Services Office:**
www.victoria.ac.nz/fhss/student-admin
- **Grades:**
www.victoria.ac.nz/home/study/exams-and-assessments/grades
- **Resolving academic issues:**
www.victoria.ac.nz/home/about/avcacademic/publications2#grievances
- **Special passes:**
www.victoria.ac.nz/home/about/avcacademic/publications2#specialpass
- **Statutes and policies:**
www.victoria.ac.nz/home/about/policy
(including the Student Conduct Statute)
- **Student support:**
www.victoria.ac.nz/home/viclife/student-service
- **Students with disabilities:**
www.victoria.ac.nz/st_services/disability
- **Student charter:**
www.victoria.ac.nz/home/viclife/student-charter
- **Student contract:**
www.victoria.ac.nz/home/admisenrol/enrol/studentcontract
- **Turnitin:**
www.cad.vuw.ac.nz/wiki/index.php/Turnitin
- **University structure:**
www.victoria.ac.nz/home/about
- **VUWSA:**
www.vuwsa.org.nz